

DISSERTATIO INAVGVRALIS CHIRVRGICA

DE

# HERNIA CEREBRI

---

Q V A M

ILLVSTRIS MEDICORVM ORDINIS

CONSENSV ET AVCTORITATE

IN

ACADEMIA GEORGIA AVGVSTA

P R O

GRADV DOCTORIS

I N

MEDICINA ET CHIRVRGIA

OBTINENDO

PVBLICE DEFENDIT

DIE XIII. APRILIS MDCCCLXXXII

PETRVS HENRICVS THIEMIG

BREMENSIS

---

GOTTINGAE

LITERIS BARMERIANIS.

THE CERTAIN

PATRVO OPTIMO

H. M. DE LINDE

MERCATORI CELEBERRIMO  
HAMBVRGENSI

HASCE

STVDIORVM PRIMITIAS

PIA MENTE CONSECRAT

OBEDIENTISSIMVS AVCTOR



---

**H**ernia Cerebri, Encephalocèles quoque nomen induit: et hoc quidem ideo, quod aliorum affectuum, ex aliis corporis partibus originem trahentium, maxima gaudet similitudine: quorum genera mala, pariter tumorem efformant, licet sedes eorum diversae sint.

Quis enim est, quem lateat, viscus quoddam e cauitatibus consuētis proruptum, cum integumentis corporis communibus tumorem formans, Herniae nomine insigniri? eam ob rem Herniam pectoralem et abdominalem inuenire licet. Cui tumori partis eidem inhaerentis ratione habita, cum parte contenta nomen commune est: si, v. c. tumor a parte intestinorum prolapsa effingitur, tunc Enterocèles nomen obtinet; cum e contrario, ob

partem Omenti huic adhaerentem, Epiploceles compellatio tribuatur necesse fit: sic etiam tumor, pulmonis partem includens, Hernia Pulmonalis dicitur.

Hic Hernia Cerebri praesente, portio Cerebri cum membranis propriis hanc circumdantibus, e cauitate sua, ab ossibus cranii conformata, per foramen praeternaturale prorumpit, usque ad integumenta capitis externa penetrans, haec attollit, ita ut tumor oriatur, sed non solum hic tumor in osse bregmatis, seu laterali, sed et in osse occipitali notatus est, immo Cerebrum per suturas, raro quidem per fontanelas se protrudit. Tumor iste pro ratione partis in eundem se imminittentis, vel minoris, vel amplioris voluminis, esse potest.

Ceterum alia adhuc tumorum genera, quae Herniae Cerebri non sunt, in capite oriri posse, nemo est, qui ignoret. Cum vero confusione cum vera Encephaloceli facillime locus esse queat: experientia quidem



dem nos edocet, ad signa diagnostica animi aduertentiam intendentes, eadem cum hac non tam facile permutari posse: tamen hic quaedam adducere non inconueniens reputo datur.

I. Tumor Capitis compressione externa ortus: quodsi caput infantis, per longum tempus in carceribus ossis pubis inhaerescit: at eum tactu et colore facile distinguere valemus: maior scilicet eiusdem est durities, et color mox fuscus, mox subaquilus mox nigricans apparet, propter sanguinem coagulatum emicantem: tumori exteriori compressione exposito, nullum omnino cum Cerebro consensum inesse obseruamus.

II. Tumor lymphaticus: etiam Hydrocephalus partialis nominari solitus non facile tamen hunc peruersa diiudicare possumus, quia raro per se solus, sed fere semper cum Hydrocephalo connexus adest, et tactu adhibito fluctuatio perspicua sentitur.

III. Tumor suppuratorius: verum ad hanc puris colluviem probe distinguendam, signa huic abscessui propria, semper sese ostendunt: praesertim tactus Herniae Cerebri discernendae, signum certum et indubitatum rursus nobis exhibet.

IV. Genus Tumorum exstat, quod Fungus Cerebri nominatur, hic tumor a dura matre ortum ducit, huius tamen ne vlla quidem mentio a me foret facienda, nam modus originis, et symptomata huius mali propria, nos extra omnem dubitationem collocant, quin istum Herniam Cerebri non habeamus: hic praecipue non in infantibus recens natis sed in adultis tantum locum inuenit. Huc, tumor quidam a Celeber. ACRELLIO a) in casibus Chirurgicis memoratus quem fungum cancrosum nominat, referri posset.

Is ex ictu capiti illato natus, longo post tempore, eo ipso in capitis adfecti loco, sese

a) ACREL Chirurgische Vorfälle Tom. I.  
p. 36.



se efformabat, ille tumor volumine magis magisque auctus, tangenti molliorem se praebet: consensus cum Cerebro manifeste observari poterat, quia Cerebrum cum inspiratione descendit, cum expiratione vero ascendit: quippe qui tumor tum magnitudinis, tum mollitiei, de die in diem incrementa capescens, tandem aperturae commissus est, sed haud multum Temporis effluxit, quo miser animam efflauit.

De vera Hern. Cerebri, in infantibus recens natis solummodo oriente hic loquar, idquod ex supra relatis jam satis luceſcet: equidem Hernias Cerebri in adultis experientia teste, quoque dari posse, nullus dubito. Sic etiam Illustr. RICHTER in praelectionibus suis nos docuit, duo Herniarum genera existere alterum in infantibus recens natis, alterum in adultis, ubi scilicet Trepanatione ossis pars amissa fuerit. Natura quidem mirabilem efficaciam saepe exferens, integra ossa restituit, interdum etiam aperturam pracludit: ast haec iusto

amplior facta, quidem praecluditur; raro autem tali ossium materia repletur, sicut antea erat, plerumque carnea et tendinea membrana contegitur, ita ut Cerebrum facillimo modo prorumpere et hanc et integumenta capitis externa in tumorem vertere valeat. Quibus tumorem, de quo a), Celeberrim: DONALDUS MONRO narrat, adnummerandum censeo. Is in capite apparebat, in eo pulsatio manifesta sentiebatur, tumor externae pressioni expositus, aegrum animi impotem omnibus sensibus exuit; accurata indagatione instituta, in osse CRANII apertura erat, qua Cerebrum se in altum extulerat: ille tumor aneurisma habebatur, quod in cavitate CRANII se generasset, os paulatim cariosum fecisset, et tali modo perforasset: sed ignarus, quid de tumore faciendum esset, illum aperire nemo audebat, usque demum miser ille e vivis auferebatur: Sectione post mortem instituta,

a) RICHTER Ch. Bib. Band. 2. p. 163. Medical Transact. Vol. II.

instituta, hunc ex portione substantiae Cerebri dura matre etiam contacta constituisse, et nullo in loco vasa sanguifera dilatata reperta sunt.

Alterum genus Herniar: Cerebri in infantibus recens natis oriri consuetum in duas species diuidi potest.

a. Vna Spec. Cerebrum ipsum in se comprehendit. et

b. Altera Spec. Medullam Spinalem in se complectitur: omni iure fatendum est, spinam Bifidam: sic nominatur tumor qui in vertebriis, tam colli, quam dorsi, et in lumborum regione reperitur: etiam ad hanc Herni: Cerebri numerari oportere. Nam medulla spinalis omnino continuatio Cerebri est, et eodem modo, quo Cerebrum thecae suae includitur.

Non defunt quoque exempla, tam Herniam Cerebri, quam Spinam Bifidam, in infan-



infantibus, iam iam in lucem editis simul observatas esse; huiusmodi casus memoratu digni LECHELIO occurrentis *a*), CORVINVS in Dissertatōne sua mentionem facit. Ille in infante recens nato, duos tumores observavit; alterius tumoris in occipitis medio insignis magnitudo erat: alter Spinae Dorsi insidebat.

Porro datur Hernia simplex et composita *Hernia simplex* nominatur, si tumor Cerebrum tantum, aut medullam spinalem complectitur, quem casum non frequentem nemo praeter TREW adducit *b*).

*Hernia composita*, ideo tale nomen sortitur, quia tumor, Cerebro et medulla spinali exceptis, adhuc colluviem serosam maioris aut minoris copiae continet; et Hydro-encephalocèle nominari potest. Sic etiam humorem serosum, in sacculo sibi destinato inclu-

*a*) HALLERI Chirurg. Diss. p. 339.

*b*) CORVINI Diss. de Her. Cereb. §. VII.  
Hall Ch. D. l. c.

inclusum, et inde tumorem cysticum in eo contentum fuisse notatum est. Ad Sedem Heru. Cerebri quod attinet, huius in *lateralem* vel *verticalem* et in *occipitalem* diuisio facta est.

Quod Diagnosin concernit, cum aliis tumoribus tam facile confundi nequit: dummodo Signa diagnostica obseruemus quae sunt sequentia.

a. in capite tumorem manifestum reperire est.

b. tumor aut illico in partu, aut statim post infantem in lucem editum se exhibet.

c. tumor ea in capitis regione, quam Cerebrum includit, reperitur: in osse scilicet laterali foramen praeternaturale insitum est, per quod Cerebrum penetrat: qui casus pro opinione obseruatorum omnium frequentissime euenit.

d. tumoris cum apertura vna eademque ratio est.

e. tu-



- e. tumor vbi tactus fuerit, mollis sentitur: eidem lympham continenti fluctuatio imminet.
- f. color cutis naturae conueuiens, et unlli mutationi obnoxius inuenitur.
- g. in radice tumoris ossis margo conspicuus est.
- h. tumor ubi comprimatur, symptomata soporosa e. g. Paralyfin et Apoplexiam etctr producit.

Quanta fortuna nobis fauet, Encephalocelen non crebro occurrere, cum huius origine non satis instituti sumus. Caussas vbi spectaueris, proh dolor! lugendum est, tam de his, vti iam supra commemorauimus, quam de origine huius mali, non multa certa dici posse.

Experientia testari videtur, Herniam Cerebri in infantibus primam lucem aspicientibus saepissime nasci solere: ast hanc etiam aut partu durante, aut eo finito oriri posse, nil mihi dubii est: qua opinione addu-

adductus, causas in *internas* et *externas* me diuidere non incongruum reor.

Quodsi Cerebrum, per foramen praeternaturale siue in osse laterali, siue in osse occipitis proruptum sit, tunc veri non absimile est: sicuti omnes observationes allegatae indicant, vitium primae conformationis, proximam causam haberi.

Ossificationis defectus manifestus apparet: quomodo enim alias, in vno eodemque loco, foramen praeternaturale sese efformaret: ossificatio impedimento quopiam hic interueniente quodcunque demum fuerit, aperte impedita videtur.

Quam difficile vero est, veras causas indicare, quae impediunt, quo minus ossificatio non perfecte se efformare queat? quam difficile nobis est, naturam, interdum in conformando non semper aequali modo agentem, indagare? quoties enim conformationis defectus, mox hic mox illic reperiuntur? Felices essemus, si  
animi

animi nostri intensio, ad imum penetraret, ut non pauca, nobis tam obscura, oculisque nostris tam abscondita essent: aut quaecunque, a nobis inuestiganda, soli praesumptioni inituntur, quem scopum nostri indefessi studii, plane non esse constat. Sola, inquam, praesuntio est, ex qua concludimus, conformationem defectuum non immunem, ex vitio vel a patre, vel a matre progerminante, gigni posse. Ossificationi impedimentum quoddam adesse, ex sequentibus illucescit. Osteogenia foetus nobis ostendit, ossificationem iam mature in utero materno incipere: docuit nos, puncta ossificationis in nonnullis cartilaginibus longe prius se efformare, quam in aliis; quemadmodum incrementum ossis diuersum, et non semper eiusdem rationis est. Itaque ossificatio, ut liquet, plerumque in medio cartilaginis arditur, an haec in finibus ossis CRANII hic primum non oriatur, et impedimento quodam prohibeatur? ne materia ossiaria, undique per omne os CRANII se dilatare queat: nam



vti satis perspectum est, materia ossiaria per vasa, ex periosteo, cartilagineum circumdante, transeuntia, in cartilagineum infertur, et punctum ossificationis efformatur, a quo materia ossiaria sicut e Centro quodam vndique dispergitur. Nonne supponere possumus, huic dispersioni impedimentum obistere? quo efformatio, partis in os euadentis cohiberetur, et si hoc fieret, efformatio Cerebri, efformationem ossis praeueniret, et se in altum attolleret.

A lymphæ ex Cerebro enata tamen sub dura matre adhuc existente, pressio, et quidem in quodam loco, summa cum vi produci potest, ita vt vasa nutrientia, quæ os efformare debent, tanto vigore comprimantur, vt ad nutritionem, et ad vltiorem efformationem ossis nihil amplius conferre possint, propterea in functionibus suis omnino turbentur.

Cerebrum eo in loco in altum se erigit, vbi resistentiæ minimum inuenit, quem locum si reperit, pressio dein cessat, lymphæque extrauasa una cum cerebro, in

tumorem praeruptum se recipit: ita ut ossificatio, in utroque ossis fine nunc succedat, sicuti forte evenit: verum omni ex parte ossis, materia ossiaria propagari nequit, quod Cerebrum tumorem modo format, quo foramen praeternaturale iam oriri necesse est.

Haec causa ut praesumptio solum accipi potest, quam etiam refutari posse, facile intelligendum est: itaque hic obicere nobis non vetatur, cerebrum quoque alia in parte, ubi haud validam resistantiam invenit, prorumpere posse, iis nempe in locis, in quibus fontanellas infantum reperiimus: at hic resistantiae satis, membranae enim, fontanellae appellari solitae, Cerebro erumpenti obicem ponere valent, quia hae natura sat fortes, in suo incremento turbatae non sunt.

Quae praeterea adhuc causae, deficientis ossificationis promouendae capaces acceptantur, tamen scriptorum plurimi eo tendunt, affirmantes, materiam arthriticam, veneream rachiticam matris, plurimum



mum ad hunc defectum posse conferre: has acrimonias interdum materias peccantes esse, non negandum existimo: si alii adhuc morborum affectus in infantibus obseruentur, et non solum hoc vitium locale adsit, tunc hae frequentissimae causae mihi videntur.

Causis occasionalibus imaginatio adhuc adnumeranda venit. REISELII et SALZMANNI historias legentes, fortasse huius imaginationis vi caperemur, et quidquam de ista habendum putaremus; quam penitus reiicere incongruum foret; imaginatio enim, sensorio communi imposita, qua animus grauidae quotidie occupatur, in foetum forsan agere potest: quam multa exempla adsunt, infantes variis cum deformitatibus esse genitos, in quibus mater, harum orientium modum, a terrore, imaginatione deprauata, et nimium intensa deriuat. Sed ex his ipsis causis occasionalibus istud mali nasci posse, aenigma mihi est: prolixius autem hic agere, inconsul-

tum videtur, praesertim medicorum pluri-  
mis, hanc imaginationem; non tam po-  
tentem habentibus, vt istius potentia in de-  
formitatem et destructionem foetus, ali-  
quid inferre valeat.

Ad causas externas praecipue referun-  
tur, Vis, aut aliae Laesiones externae, ma-  
tri grauiditate durante illatae: ex grauidis  
laesis mala progigni, non vllus est, qui  
dubitet, ex his naeuos praecipue oriri,  
illustr. ACRELLI car. Chirurg. testantur. —  
Hic quoque non obliuiscendum, Herniam  
Cerebri nasci posse, capite infantis iusto  
diutius in partu se habente: videlicet re-  
ceptum est; Cerebro foetus, in vtero ma-  
terno adhuc praesentis, lympham quandam  
inesse, defectum quempiam partis ossis siue  
Cranii producentem, tumorem vero, qua-  
cunque de causa nondum formatum esse,  
tum quidem sub ipso partu difficili iusto  
longius in ossum pubis regionem capite  
impacto, tunc ob nifus matris, quibus foe-  
tum excludere tentat, partem Cerebri, per  
foramen

foramen illud in osse relictum demum prorumpere posse.

Iam vero alias, quibus locus relinquitur, causas hic adducere superfluum puto, hae enim certe lectori sufficienter cognitae et superuacaneae sunt.

De huius mali symptomatibus, vnum verbum solummodo faciam. Quodsi tumor *lateralis* non valde ingens, non propendens sit, et si margo ossis clare sentiri queat, tunc experientia docet, symptomata nullis ponderis esse.

Tumore igitur alto, voluminis amplioris existente, eodemque dependente symptomata maligna interdum praecipue hoc frigori exposito, oriri observatum est: Infantes huiusmodi inquieti continuos fletus edunt, convulsionibus obruuntur, paralyfi laborant. hi etiam post natiuitatem raro diu viuunt, et mors miserrimae eorum vitae, mox finem imponit: his quoque in rebus, infantes recens nati, nunquam ex



commodo fugere possunt, propterea etiam macri, siue plerumque paulo post natum macrescunt: symptomatibus febriculosis, Diarrhoeis aliisque similibus malis eadem comitantibus, semper subiacent, nil igitur miri mortem, statim post natiuitatem hos viuis eripere. Encephalocèle *occipitalis* pessima symptomata secum ducit.

Prognosis vbi spectetur, haec, vti quisque expraecedentibus iam valet cognoscere, haud semper est optima, tamen praecipue ea, quae sequuntur, considerata sunt.

1. Si Hernia Cerebri *lateralis* mediocris et parua. si tumor vel nihil, vel parum lymphae extrauasatae in se contineat, sicut is frequentissimus casus est, tunc hic maxima spes sanationis nobis arridet.

2. Si Hern. Cerebri *occipitalis* in nuchis, insigni magnitudine et propensa sit, multum lymphae in hac reperiatur, tunc non multa spes, infantem sanandi, et alendi nobis superest.

3. Si

3. Si Hern: Cereb: in tali infante paucis vitae viribus valente, inflammatione externa corripitur, tunc semper periculum imminet.

4. Lipothymia, Atrophia, Convulsiones, mortis praenunciae sunt.

5. Tumor in exulcerationem discedens, semper signum lethale est.

Ad Curam nobis peruenientibus, eorum, quae sequuntur, ratio habenda et curatio semper secundum has duas praecipuas Indicationes instituenda est. Prima igitur Indicatio est, Cerebrum in receptaculum consuetum, e quo egressum est, reponendum, et lymphæ in tumore insita, sibi ad resorptionem vel relinquenda, vel dissipanda aut euacuanda est.

Omniſibus ideo in Herniis, primus Medici conatus est, egressas partes retroducere.



Quodsi vero tumoris magnitudo iusto maior esset, supraque ossis marginem penderet, omnis curandi spes nobis foret adempta: vbi Cerebrum eundem in locum, in quo antea erat, pressione hic reducere tentaremus, tunc istud ossis margine, a se contecto, irritaretur et comprimeretur, vt sequelae inflammatio et mala symptomata forent, tunc exulceratio imminens, mortem rerum omnium finem produceret. Nullam curam hic suscipere valentes, tumori a frigore externo, et pressione tuendo, nos acquiescere oportet, quem in finem Tegumentum quoddam tumori, ne nimium dependeat, suffulciendo idoneum applicemus.

Hernia solum, sicut haec supra notata est, mediocri aut parua existente, leni, et paulatim aucta pressione, Cerebri reductionem suscipere possumus: verum pressio illata, summam attentionem, postulat, vt, si vel lato vngue fortior fiat, pessima statim symptomata Paralysis, Conuulsiones, Lipothymia

thymia, Apoplexia etc. nascantur: subito et vna vice pressio numquam peragenda, sed haec sensum sensumque, eum in modum augenda est, vt numquam mala symptomata obseruentur: nam si infans, parum tantum soporosus fiat, tunc compressio nimium valida est.

Compressio sequenti ratione instituenda est. Totus tumor tenuibus fibris e linteo extractis contegatur, postea subtilis lintei complicatio (Compresse) vinculo adfuta, huic superimponatur, et pressione methodica, cum aut singulo, aut alterno die, vinculum aliquanto intensius attrahatur, tumor progrediente tempore reponatur. Pressionem quoque lamina, pro magnitudine tumoris cauata, conficere possumus: ne haec Cerebrum irriter, et huc illucque se iacet, vel linteo rupto, vel alia quadam subtiliori materia infarcienda, vel vinculo vel mitrae alliganda, et hoc ligamine tumor vincendus est.

Ad Cerebrum reponendum vero temporis multum requiritur: quia ex hac pressione continua; inflammatio et exulceratio semper lethales, facile progigni possunt, ad has praecauendas Vinculum remediis antiph. aqua Goulardi, Sp: Vini, Acet., humectandum est: his medicamentis sequelae mortiferae abiguntur, simulque integumenta externa roborantur.

Hernia autem lymphae per multum in se continente: curae radicali tamen conueniens et consultum videtur, istam prius euacuari, quam Hernia reducitur: et lymphae euacuationem felici interdum cum euentu successisse, experientia MORGANNI TREW et HELD testes sunt a).

Lympha enim tumori inhaerente, pressio in Cerebrum permultum agere non potest, et istud magis magisque ab illa laxatur.

a) HELD Dissertatio de Hern. Cereb. Giesae 1777.

xatur. Medicamenta aperturae inferuentia commendata sunt, Caustica et Lanceola: priora obseruatorum omnes vno ore dissuadent: posteriora quamuis infausto cum successu subinde adhibita sint, exempla tamen exstant, lympham euacuari quin mors incidat, dummodo aer irruens arceatur.

Quia autem lymphae euacuationem durante, symptomata infelicissima, et mors saepe secuta sunt, nonnulli suasores nobis fuerunt, vt in lymphae euacuanda, non secus ac in Paracenthesi abdominis a nobis fieret: nempe aqua non semel et simul, sed repetitis vicibus vt euacuaretur: hunc procedendi modum, praecipue HOFFMANN et ALPINVS laudant a).

Si aquae non multum tumori adhaerescat, euacuatio illius minus necessaria mihi videtur, quia experientia nos docet, aquam durante pressione paulatim dissipatam, et sensim sensimque perditam esse: Repositione Cerebri feliciter peracta, secunda

a) HALLER Ch. Disp. p. 346.



cunda Indicatio praecipua se nobis praesentat: quae haec est, Ossis praecclusio promoveatur.

Quodsi causam quandam matris, e. g. materiam arthriticam, scrophulosam, rheumaticam, rachiticam, omnes suos in ossa effectus producere valentes exploremus, contra has causas agendum est: quia mater infantem lactat, et hic pars matris habetur, Curatio huius et infantis non est negligenda.

Quas causas Medicus respiciens, forte quidquam ad aperturam ossis praeccludendam praestare potest, ceteroquin naturae relinquitur: et apertura cuiuspiam materiae lamina tegitur, forsan natura hanc, temporis lapsu praeccludit.

*T a n t u m.*



---

## T H E S E S.

---

- I. *Erronea atque inadaequata est, divisio februm in malignas et benignas.*
- II. *In Dysenteriis Clysmata mucilaginosae non nocent.*
- III. *Calculi vesicae urinae non radicaliter curantur, nisi Operatione.*
- IV. *Phrenitis plerumque est symptoma aliorum morborum.*
- V. *Officina materiae arthriticae sunt primae viae.*
- VI. *In curatione morborum exanthematicorum, interdum ad febrim respiciendum est.*

VII. De-

VII. *Depressio cataractae extractioni longe est postponeuda.*

VIII. *Quemlibet parochum ruralem, ad sanandum aegrotos, inhabilem esse contendo.*

VIII. *Anima post corporis mortem rerum praeteritarum immemor est.*









